

## აჭარის ავტონომიური რესპუბლიკის 2025-2028 წლების პრიორიტეტები

აჭარის ავტონომიური რესპუბლიკის მთავრობის მიერ გატარებული სოციალურ-ეკონომიკური პოლიტიკის შედეგად უნდა შეიქმნას თავისუფალი, ერთიანი, დემოკრატიული, სამართლიანი, ადამიანის განვითარებისა და საქმიანობის თავისუფლებაზე დაფუძნებული სახელმწიფოს მშენებლობაში რეგიონის სრულფასოვანი მონაწილეობის წინაპირობები. ცენტრალურ ხელისუფლებასთან სრული კოორდინაციით, აჭარის ავტონომიურმა რესპუბლიკამ თავისი წვლილი უნდა შეიტანოს ქვეყნის განვითარებაში.

ამ მიზნის მისაღწევად რეგიონის განვითარების სამთავრობო ხედვა ეფუძნება შემდეგ პრინციპებს:

- ადამიანზე ორიენტირებული გარემოს შექმნა, სადაც დაცული იქნება სიცოცხლის უფლება, თავისუფლება, სიტყვის თავისუფლება, თვითრეალიზაციის საშუალება;
- ეკონომიკის ზრდა, რომელიც აისახება თითოეულ ოჯახზე, რათა ის საგრძნობი გახდეს თითოეული მოქალაქისათვის;
- ტურიზმის პრიორიტეტული განვითარება, რაც გულისხმობს რეგიონის პოტენციალის სრულ გამოყენებას, რათა წელიწადის ოთხივე სეზონზე აჭარა იყოს ტურისტულად მიმზიდველი;
- ახალგაზრდების ჩართულობის გაძლიერება, მათი ნოვატორული იდეების, ენერჯის კონსოლიდაცია რეგიონის და ქვეყნის საკეთილდღეოდ;
- მაღალმთიანი აჭარის გაძლიერება, მასშტაბური ინფრასტრუქტურული პროექტების განხორციელება.

წინამდებარე დოკუმენტი წარმოადგენს აჭარის ავტონომიური რესპუბლიკის საშუალოვადიან კონცეფციას, რომლის მიხედვით განსაზღვრულია მთავრობის საქმიანობის პრიორიტეტული მიმართულებები:

- საქართველოს კანონმდებლობით დადგენილი წესით საბიუჯეტო პოლიტიკის განსაზღვრა და განხორციელება;
- ინკლუზიური ეკონომიკური ზრდა და დასაქმების ხელშეწყობა, რომელიც გულისხმობს ეკონომიკის დივერსიფიცირებას კონკურენტუნარიანი სფეროების მხარდაჭერის გზით, რაც განაპირობებს ღირებულებათა ჯაჭვის შექმნას;
- აქტიური საპრივატიზაციო პოლიტიკის გატარება და აქტივების ეკონომიკაში ჩართვის მაქსიმალური უზრუნველყოფა საპრივატიზებო ქონების ტურიზმის სხვადასხვა მიმართულებისა და ეკონომიკის ყველა სფეროსთვის შეთავაზების გზით;
- აჭარის საინვესტიციო პოტენციალის მიზნობრივი მარკეტინგი, კონკრეტული საინვესტიციო პროექტების შემუშავება და პოტენციური ინვესტორებისათვის შეთავაზება;
- აჭარის ავტონომიური რესპუბლიკის ქონების მართვისა და განკარგვის ეფექტიანობის ამაღლება, ქონების მართვის პროგრამული უზრუნველყოფის დანერგვა, ინფორმაციის ვებ სივრცეში ხელმისაწვდომობა;

გარემოსა და ბუნებრივი რესურსების დაცვა, მოსახლეობის ეკოლოგიური უსაფრთხოების სფეროს კონტროლი და ზედამხედველობა, გარემოს ინტეგრირებული მართვის ხელშეწყობა, გეოლოგიური მონიტორინგი, საზოგადოების ეკოლოგიური ცნობიერების ამაღლება, გარემოს დაცვის სფეროსთან დაკავშირებულ საკითხებზე სხვადასხვა ადგილობრივ და საერთაშორისო სამთავრობო და არასამთავრობო ორგანიზაციებთან თანამშრომლობა. შავი ზღვის ქ. ბათუმის სანაპირო ზოლის შენარჩუნება.

- ტყეების მდგრადი მართვა, ტყის ბუნებრივი და ანთროპოგენული ზემოქმედებისაგან დაცვა, ტყის სანიტარული მდგომარეობის გაუმჯობესება და ბიომრავალფეროვნების შენარჩუნება, ტყის აღდგენა, ტყის რესურსების ეფექტიანი გამოყენება, ტყის რესურსებით სარგებლობისა და სატყეო სექტორის მართვის საკითხებთან დაკავშირებით მოსახლეობის ცნობიერების ამაღლება, ტყის ფონდის ინვენტარიზაციის (ტყეთმოწყობა) განხორციელება;

- რეგიონის მდგრადი და ჰარმონიული განვითარების უზრუნველსაყოფად ერთ-ერთ მნიშვნელოვან საკითხს წარმოადგენს გამართული ინფრასტრუქტურის შექმნა, მოვლა და მისი განვითარება. გამართული საგზაო და ნაპირდაცვითი ინფრასტრუქტურის შექმნისადმი ხელშეწყობა დარგში სახელმწიფო პოლიტიკის გატარების მნიშვნელოვან პრიორიტეტს წარმოადგენს;

- ქალაქ ბათუმის ფუნქციონალური და ეკონომიკური პროფილის გაძლიერების პარალელურად მაქსიმალური აქცენტი მუნიციპალიტეტების და მაღალმთიანი აჭარის განვითარებაზე გაკეთდება. მაღალმთიან რეგიონში ინფრასტრუქტურული პროექტების ინტენსიური განხორციელება გააქტიურებს ეკონომიკურ პროცესებს, რაც სოფლის მდგრადი განვითარების წინაპირობას შექმნის.

- რეგიონის ტურიზმისა და კურორტების განვითარების ხელშეწყობა, რეგიონის ტურისტული მიმართულებებისა და პროდუქტების გამრავალფეროვნება და რეგიონის ცნობადობის გაზრდა საერთაშორისო და შიდა ბაზარზე, ურთიერთთანამშრომლობითა და ინოვაციური ინიციატივებით პარტნიორებისა და დაინტერესებული პირების დახმარებით ხარისხის სტანდარტის ამაღლება. ახალი ტურისტული მიმართულებების - სპორტული, კულტურული, ხანდაზმულთა ტურიზმის და ეკოტურიზმის განვითარება, რაც გაზრდის ტურისტულ ნაკადებს რეგიონში;

- ზოგადი, პროფესიული და უმაღლესი განათლების ხარისხის გაუმჯობესება, უწყვეტი განათლების ხელშეწყობა. ზოგადსაგანმანათლებლო დაწესებულებების მატერიალური ბაზის გაუმჯობესება. სკოლის შემდგომი ფორმალური განათლების ორიენტირება შრომის ბაზრის მოთხოვნებსა და რეგიონის საჭიროებებზე. განათლების ხელმისაწვდომობის გაზრდა სოციალურად დაუცველი და სპეციალური საგანმანათლებლო საჭიროებების მქონე პირებისათვის. უმაღლესი განათლებისა და სამეცნიერო კვლევების ხელშეწყობა;

- ახალგაზრდების ჩართულობა საზოგადოებრივ, კულტურულ და პოლიტიკურ ცხოვრებაში, რაც განავითარებს ახალგაზრდების მხრიდან ეკონომიკის სხვადასხვა დარგებში თვითრეალიზების შესაძლებლობებს. განხორციელდება პროექტები, რომელიც ახალგაზრდებს საშუალებას მისცემს მიიღონ მონაწილეობა უცხოეთის წამყვანი უნივერსიტეტების გაცვლით პროგრამებში, მოხდება მათი სტაჟირება საჯარო უწყებებში;

- აჭარის ტერიტორიაზე არსებული კულტურის ძეგლების დაცვა-შენარჩუნება. აჭარის მუზეუმებისა და გალერეების მოდერნიზება და მართვის წესებისა და რეგულაციების შემუშავება საერთაშორისო სტანდარტების მიხედვით. ფოლკლორის და ხალხური შემოქმედების ხელშეწყობა, შენარჩუნება და პოპულარიზაცია. სახვითი, გამოყენებითი და მულტიმედიური ხელოვნების ხელშეწყობა და მისი შემდგომი პოპულარიზაცია. სასცენო და სამუსიკო ხელოვნების განვითარების ხელშეწყობა. ხელოვნების და კულტურის სფეროში პროფესიული დონის ამაღლება და კვალიფიციური კადრების მომზადება. კულტურის დაწესებულებების ინფრასტრუქტურის გაუმჯობესება;

- ჯანსაღი ცხოვრების წესის პოპულარიზაცია და მასობრივ სპორტში მოქალაქეთა ჩართულობის გაზრდა. პროფესიული სპორტის მხარდაჭერა და სპორტული მიღწევების გაუმჯობესება. სპორტის ინფრასტრუქტურის რეაბილიტაცია და განვითარება;

- მოსახლეობის სხვადასხვა ჯგუფების, მათ შორის სოციალურად დაუცველი კატეგორიის მოსახლეობის სამედიცინო მომსახურებასთან დაკავშირებული იმ ფინანსური რისკებისაგან დაცვა, რომელიც ვერ იფარება სახელმწიფო ბიუჯეტით დაფინანსებული სამედიცინო პროგრამებით;

- ზოგიერთი სოციალური კატეგორიის მოსახლეობის სამედიცინო მომსახურების თანადაფინანსებისა და მოზრდილი მოსახლეობის რეაბილიტაციასთან დაკავშირებული ფინანსური რისკების დაცვა. სოფლებში სამედიცინო პერსონალის კადრების დამაგრების მიზნით მათი მატერიალური სტიმულირება. გარკვეული კატეგორიებისათვის სოციალური დახმარებების გაცემა, 18 წლამდე ასაკის ბავშვთა (მათ შორის შეზღუდული შესაძლებლობის სტატუსის მქონე ბავშვი), შეზღუდული შესაძლებლობის სტატუსის მქონე პირთა და ხანდაზმულთა სამედიცინო/სოციალური რეაბილიტაცია და ცხოვრების ხარისხის გაუმჯობესება. სოციალური და სტიქიის შედეგად დაზარალებული ოჯახების უსაფრთხო საცხოვრებელი უზრუნველყოფა;

- სოციალურად დაუცველ ფენებსა და დაავადების მაღალი რისკის მოსახლეობის ჯანმრთელობის მდგომარეობის გაუმჯობესება და ცხოვრების ჯანსაღი წესის დამკვიდრების ხელშეწყობა, დაავადებათა პრევენცია და კონტროლი;

- აჭარის ავტონომიურ რესპუბლიკაში დასაქმების სისტემისა და მექანიზმების განვითარების ხელშეწყობა, საზოგადოების სხვადასხვა ჯგუფის წევრების პროფესიული კვალიფიკაციის შექმნა/ამაღლება მათი დასაქმების ხელშეწყობის მიზნით;

- თანამედროვე აგროტექნოლოგიების დანერგვა, ადგილობრივი პროდუქციის წარმოების კონკურენტუნარიანობის გაზრდა, ნიადაგის პროდუქტიულობის ამაღლება, ერთეული სასოფლო-სამეურნეო სავარგულის რაციონალური გამოყენება, აგრარულ სფეროში დასაქმებულთა პრაქტიკული უნარ-ჩვევებისა და ცოდნის გაფართოება, სამელიორაციო სისტემების განვითარება, ადგილობრივად წარმოებული პროდუქციის რეალიზაციის ალტერნატიული სისტემების განვითარების ხელშეწყობა.

### **გასული საბიუჯეტო წლის რესპუბლიკური ბიუჯეტის საბოლოო შედეგების ანალიზი**

აჭარის ავტონომიური რესპუბლიკის 2023 წლის რესპუბლიკური ბიუჯეტის შემოსულობების შესრულებამ 542 562,9 ათასი ლარი შეადგინა.

2023 წლის ავტონომიური რესპუბლიკის რესპუბლიკური ბიუჯეტის შემოსავლებმა 505 363,8 ათასი ლარი შეადგინა:

ავტონომიური რესპუბლიკის რესპუბლიკური ბიუჯეტის შემოსავლების ძირითადი ნაწილი მოდის გადასახადებზე, რომელიც მოიცავს მხოლოდ საშემოსავლო გადასახადს. საშემოსავლო გადასახადის ფაქტიურმა შესრულებამ 482 890,0 ათასი ლარი შეადგინა.

რესპუბლიკური ბიუჯეტის 2023 წლის სხვა შემოსავლების შესრულებამ შეადგინა 22 196,9 ათასი ლარი.

რესპუბლიკური ბიუჯეტის გრანტების სახით მიღებულმა შემოსავლებმა შეადგინა 276,9 ათასი ლარი.

არაფინანსური აქტივების კლებით (აქტივების გაყიდვა) რესპუბლიკურ ბიუჯეტში ჩაირიცხა 37 199,1 ათასი ლარი.

## 2023 წლის რესპუბლიკური ბიუჯეტით გამოყოფილი ასიგნებები სფეროების მიხედვით

აღმასრულებელი და წარმომადგენლობითი ორგანოების საქმიანობის უზრუნველყოფა, ფინანსური და ფისკალური საქმიანობა, საგარეო ურთიერთობები, საერთო დანიშნულების მომსახურება, ვალთან დაკავშირებული ოპერაციები, სხვა არაკლასიფიცირებული საქმიანობა საერთო დანიშნულების სახელმწიფო მომსახურებაში 42 936,8 ათასი ლარი;

ფულადი ტრანსფერები მუნიციპალიტეტებში 206 573,7 ათასი ლარი;

ეკონომიკური საქმიანობა 90 146,3 ათასი ლარი.

გარემოს დაცვა 6 551,7 ათასი ლარი;

საბინაო-კომუნალური მეურნეობა 7 880,5 ათასი ლარი.

ჯანმრთელობის დაცვა 38 664,3 ათასი ლარი;

დასვენება, კულტურა და რელიგია 44 498,6 ათასი ლარი;

განათლება 71 011,1 ათასი ლარი;

სოციალური დაცვა 15 860,2 ათასი ლარი;

## მიმდინარე საბიუჯეტო წლის რესპუბლიკური ბიუჯეტის გადამუშავებული პროგნოზი

2024 წლის ავტონომიური რესპუბლიკის რესპუბლიკური ბიუჯეტის შემოსულობები განისაზღვრა 708 750,0 ათასი ლარის ოდენობით.

2024 წლის რესპუბლიკური ბიუჯეტის გადასახადების საპროგნოზო მაჩვენებელი შეადგენს 575 000,0 ათას ლარს, რესპუბლიკურ ბიუჯეტში გადასახადების კუთხით ირიცხება მხოლოდ საშემოსავლო გადასახადი.

2024 წლის რესპუბლიკური ბიუჯეტის სხვა შემოსავლების საპროგნოზო მაჩვენებელი შეადგენს 21 100,0 ათას ლარს.

2024 წელს არაფინანსური აქტივების კლებიდან მისაღები სახსრების საპროგნოზო მოცულობა შეადგენს 112 650,0 ათას ლარს. აღნიშნული სახსრების მობილიზება განხორციელდება სახელმწიფო და რესპუბლიკური საკუთრების ქონების რეალიზაციიდან.

2024 წლის 1 იანვრისათვის არსებული ნაშთი გამოყენებული იქნა 55 950,2 ათასი ლარის ოდენობით.

2024 წელს ავტონომიური რესპუბლიკის რესპუბლიკური ბიუჯეტის ასიგნებები განისაზღვრა 764 700,2 ათასი ლარის ოდენობით. ადგილობრივი შემოსავლების რაციონალურად მართვის პირობებში შესაძლებელი გახდა დაფინანსებულიყო რეგიონისათვის ისეთი მნიშვნელოვანი პროექტები, როგორცაა:

ტყის დაცვა, მოვლა და სატყეო-სამეურნეო ინფრასტრუქტურის გამართვა 3 137,6 ათასი ლარი;

პლაჟის ხელოვნური კვებისა და ბათუმის კონცხის წყალქვეშა ფერდის განტვირთვის სამუშაოები 2 185,0 ათასი ლარი;

საგზაო ინფრასტრუქტურის მშენებლობა, რეაბილიტაცია და მოვლა-შენახვა 59 966,0 ათასი ლარი;

განათლების, კულტურისა და სპორტის სფეროში განსახორციელებელი ინფრასტრუქტურული ღონისძიებები 48 802,6 ათასი ლარი;

უმადლესი საგანმანათლებლო დაწესებულებების სამეცნიერო-კვლევითი საქმიანობის ხელშეწყობა და ინფრასტრუქტურის გაუმჯობესება 8 474,7 ათასი ლარი;

ჯანმრთელობის, სოციალური დაცვის, დასაქმებისა და დაავადებათა პრევენციის ღონისძიებები 55 177,1 ათასი ლარი;

სოფლის მეურნეობის ხელშეწყობისა და განვითარების ღონისძიებები 14 941,9 ათასი ლარი;

ტურიზმის განვითარების ხელშეწყობა 15 525,0 ათასი ლარი;

სპორტული ინფრასტრუქტურული პროექტების სამშენებლო, მშენებლობასთან დაკავშირებული მომსახურებების პროექტები 35 794,5 ათასი ლარი;

ქალაქმშენებლობითი და სივრცითი მოწყობის პროექტები 8 678,5 ათასი ლარი;

საინჟინრო და კომუნალური ინფრასტრუქტურა 1 500,0 ათასი ლარი;

ქალაქ ბათუმში, მეჯინისწყლის დასახლებაში ე.წ „ოცნების ქალაქი“-ს ტერიტორიაზე მრავალბინიანი საცხოვრებელი სახლების მშენებლობა სოციალური და სტიქიის შედეგად დაზარალებული ოჯახებისათვის 17 000,0 ათასი ლარი;

ადგილობრივ თვითმმართველ ერთეულებში განსახორციელებელი სოციალური და ინფრასტრუქტურული პროგრამები 287 787,5 ათასი ლარი;

### **აჭარის ავტონომიური რესპუბლიკის 2025-2028 წლების რესპუბლიკური ბიუჯეტის მაჩვენებლები**

ა) შემოსულობები:

2025 წლისათვის ავტონომიური რესპუბლიკის რესპუბლიკური ბიუჯეტის საპროგნოზო მაჩვენებელი განისაზღვრა 770 100,0 ათასი ლარის ოდენობით, მათ შორის შემოსავლები შეადგენს 655 100,0 ათას ლარს. საშემოსავლო გადასახადის 2025 წლის საპროგნოზო მოცულობა შესაძლებელია განისაზღვროს 630 000,0 ათასი ლარით;

2026-2028 წლის საშემოსავლო გადასახადის პროგნოზი განისაზღვრა შესაბამისად 2026 წელს 780 000,0 ათასი ლარით, 2027 წელს 855 000,0 ათასი ლარით და 2028 წლისათვის 940 000,0 ათასი ლარის ოდენობით.

სწრაფი და ეფექტური საინვესტიციო პოლიტიკა საშუალებას მოგვცემს გაიზარდოს ავტონომიური რესპუბლიკის შემოსავლები, გაუმჯობესდეს ეკონომიკური და სოციალური ფონი, შეიქმნას ახალი სამუშაო ადგილები, გაიზარდოს დასაქმებულთა რიცხოვნობა და გააქტიურდეს სამეწარმეო სექტორი.

2025 წელს სხვა შემოსავლების საპროგნოზო მაჩვენებელი განისაზღვრა 25 100,0 ათასი ლარით, დეპოზიტებსა და ანგარიშებზე დარიცხული პროცენტები, დივიდენდები, რენტა, საქონლისა და მომსახურების რეალიზაციის კუთხით მიღებული შემოსავლები, სანქციები (ჯარიმები და საურავები) და სხვა არაკლასიფიცირებული შემოსავლები.

არაფინანსური აქტივების კლების საპროგნოზო მაჩვენებელი 2025 წლისათვის განისაზღვრა 115 000,0 ათასი ლარის ოდენობით.

ბ) ფინანსური აქტივების შემცირების კუთხით (2025 წლისათვის არსებული ნაშთის გამოყენება) იგეგმება 80 000,0 ათასი ლარის გამოყენება.

გ) გადასახდელები:

2025 წლისათვის ავტონომიური რესპუბლიკის რესპუბლიკური ბიუჯეტის გადასახდელების საპროგნოზო მაჩვენებელი განისაზღვრა 850 100,0 ათასი ლარის ოდენობით.

2025 წლის რესპუბლიკური ბიუჯეტის გადასახდელები მხარჯავი დაწესებულებების მიხედვით შემდეგნაირად გადანაწილდა:

- აჭარის ავტონომიური რესპუბლიკის უმაღლესი საბჭო - 9 570,6 ათასი ლარი;
- აჭარის ავტონომიური რესპუბლიკის უმაღლესი საარჩევნო კომისია - 1 605,1 ათასი ლარი;
- აჭარის ავტონომიური რესპუბლიკის მთავრობა - 6 308,5 ათასი ლარი;
- აჭარის ავტონომიური რესპუბლიკის ფინანსთა და ეკონომიკის სამინისტრო - 144 060,5 ათასი ლარი;
- აჭარის ავტონომიური რესპუბლიკის განათლების, კულტურისა და სპორტის სამინისტრო - 151 000,0 ათასი ლარი;
- აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო - 65 500,0 ათასი ლარი;
- აჭარის ავტონომიური რესპუბლიკის სოფლის მეურნეობის სამინისტრო - 36 820,5 ათასი ლარი;
- საერთო დანიშნულების რესპუბლიკური გადასახდელები - 435 234,8 ათასი ლარი.

**აჭარის ავტონომიური რესპუბლიკის რესპუბლიკური ბიუჯეტის მაჩვენებლები**

(ათასი ლარი)

დასახელება	2023 წლის ფაქტი	2024 წლის გეგმა	2025 წლის გეგმა	2026 წლის გეგმა	2027 წლის გეგმა	2028 წლის გეგმა
<b>შემოსავლები</b>	<b>505 363.8</b>	<b>596 100.0</b>	<b>655 100.0</b>	<b>807 100.0</b>	<b>882 100.0</b>	<b>967 100.0</b>
გადასახადები	482 889.9	575 000.0	630 000.0	780 000.0	855 000.0	940 000.0
გრანტები	276.9	0.0	0.0	0.0	0.0	0.0
სხვა შემოსავლები	22 196.9	21 100.0	25 100.0	27 100.0	27 100.0	27 100.0
<b>ხარჯები</b>	<b>422 878.5</b>	<b>603 583.3</b>	<b>672 439.3</b>	<b>788 810.0</b>	<b>852 660.0</b>	<b>918 188.5</b>
შრომის ანაზღაურება	52 235.7	63 118.3	72 677.8	72 677.8	72 677.8	74 905.8
საქონელი და მომსახურება	70 630.8	88 120.8	91 682.7	92 763.0	93 852.8	94 819.8
პროცენტი	859.4	2 057.3	5 241.9	5 433.2	4 737.2	4 058.6
სუბსიდიები	13 131.3	17 107.5	17 078.0	17 138.6	17 111.2	17 011.2
გრანტები (გაცემული)	210 264.0	298 434.6	341 634.6	343 657.3	496 297.3	567 069.5
სოციალური უზრუნველყოფა	45 680.3	47 192.5	50 902.3	63 794.9	67 094.9	67 094.9
სხვა ხარჯები	30 077.0	87 552.2	93 221.9	193 345.2	100 888.8	93 228.7
<b>საოპერაციო სალდო</b>	<b>82 485.3</b>	<b>-7 483.3</b>	<b>-17 339.3</b>	<b>18 290.0</b>	<b>29 440.0</b>	<b>48 911.5</b>
<b>არაფინანსური აქტივების ცვლილება</b>	<b>64 045.6</b>	<b>28 737.9</b>	<b>42 661.9</b>	<b>79 094.2</b>	<b>90 488.7</b>	<b>114 712.6</b>
ზრდა (შემენა)	101 244.7	141 387.9	157 661.9	194 094.2	200 488.7	204 712.6
კლება (გაყიდვა)	37 199.1	112 650.0	115 000.0	115 000.0	110 000.0	90 000.0
<b>მთლიანი სალდო</b>	<b>18 439.7</b>	<b>-36 221.1</b>	<b>-60 001.2</b>	<b>-60 804.2</b>	<b>-61 048.7</b>	<b>-65 801.1</b>
<b>ფინანსური აქტივების ცვლილება</b>	<b>10 284.1</b>	<b>-55 950.2</b>	<b>-80 000.0</b>	<b>-80 000.0</b>	<b>-80 000.0</b>	<b>-80 000.0</b>
ზრდა	10 284.1	0.0	0.0	0.0	0.0	0.0
ვალუტა, დეპოზიტები	10 284.1	0.0	0.0	0.0	0.0	0.0
კლება	0.0	55 950.2	80 000.0	80 000.0	80 000.0	80 000.0
ვალუტა, დეპოზიტები		55 950.2	80 000.0	80 000.0	80 000.0	80 000.0
<b>ვალდებულებების ცვლილება</b>	<b>-8 155.6</b>	<b>-19 729.1</b>	<b>-19 998.8</b>	<b>-19 195.8</b>	<b>-18 951.3</b>	<b>-14 198.9</b>
ზრდა	0.0	0.0	0.0	0.0	0.0	0.0
სესხები						
კლება	8 155.6	19 729.1	19 998.8	19 195.8	18 951.3	14 198.9
სესხები	8 155.6	19 729.1	19 998.8	19 195.8	18 951.3	14 198.9
<b>ბალანსი</b>	<b>0.0</b>	<b>0.0</b>	<b>0.0</b>	<b>0.0</b>	<b>0.0</b>	<b>0.0</b>

აჭარის ავტონომიური რესპუბლიკის რესპუბლიკური ბიუჯეტის შემოსულობები, გადასახდელები და ნაშთის ცვლილება

(ათასი ლარი)

დასახელება	2023 წლის ფაქტი	2024 წლის გეგმა	2025 წლის გეგმა	2026 წლის გეგმა	2027 წლის გეგმა	2028 წლის გეგმა
<b>შემოსულობები</b>	<b>542 562.9</b>	<b>708 750.0</b>	<b>770 100.0</b>	<b>922 100.0</b>	<b>992 100.0</b>	<b>1057 100.0</b>
შემოსავლები	505 363.8	596 100.0	655 100.0	807 100.0	882 100.0	967 100.0
არაფინანსური აქტივების კლება	37 199.1	112 650.0	115 000.0	115 000.0	110 000.0	90 000.0
ფინანსური აქტივების კლება (ნაშთის გამოკლებით)	0.0	0.0	0.0	0.0	0.0	0.0
<b>გადასახდელები</b>	<b>532 278.8</b>	<b>764 700.2</b>	<b>850 100.0</b>	<b>1002 100.0</b>	<b>1072 100.0</b>	<b>1137 100.0</b>
ხარჯები	422 878.5	603 583.3	672 439.3	788 810.0	852 660.0	918 188.5
არაფინანსური აქტივების ზრდა	101 244.7	141 387.9	157 661.9	194 094.2	200 488.7	204 712.6
ფინანსური აქტივების ზრდა (ნაშთის გამოკლებით)	0.0	0.0	0.0	0.0	0.0	0.0
ვალდებულებების კლება	8 155.6	19 729.1	19 998.8	19 195.8	18 951.3	14 198.9
<b>ნაშთის ცვლილება</b>	<b>10 284.1</b>	<b>-55 950.2</b>	<b>-80 000.0</b>	<b>-80 000.0</b>	<b>-80 000.0</b>	<b>-80 000.0</b>



აჭარის ავტონომიური რესპუბლიკის რესპუბლიკური ბიუჯეტის თითოეული მხარჯავი  
დაწესებულებისათვის 2025-2028 წლებში გასათვალისწინებელი ასიგნებების  
საორიენტაციო ზღვრული მოცულობა

(ათასი ლარი)

#	დასახელება	დასაქმებულითა საორიენტაციო ზღვრული მოცულობა 2025 წლისათვის	2025 წლისათვის ზღვრული მოცულობა	2026 წლისათვის ზღვრული მოცულობა	2027 წლისათვის ზღვრული მოცულობა	2028 წლისათვის ზღვრული მოცულობა
1	აჭარის ავტონომიური რესპუბლიკის უმაღლესი საბჭო	117	9 570.6	9 570.6	9 570.6	9 570.6
2	აჭარის ავტონომიური რესპუბლიკის უმაღლესი საარჩევნო კომისია	23	1 605.1	1 605.1	1 605.1	4 185.1
3	აჭარის ავტონომიური რესპუბლიკის მთავრობა	64	6 308.5	6 308.5	6 308.5	6 308.5
4	აჭარის ავტონომიური რესპუბლიკის ფინანსთა და ეკონომიკის სამინისტრო	300	144 060.5	173 151.0	181 032.0	184 188.0
5	აჭარის ავტონომიური რესპუბლიკის განათლების, კულტურისა და სპორტის სამინისტრო	2 386	151 000.0	162 569.3	163 812.9	165 352.9
6	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	140	65 500.0	80 392.6	83 692.6	83 692.6
7	აჭარის ავტონომიური რესპუბლიკის სოფლის მეურნეობის სამინისტრო	339	36 820.6	36 240.6	34 585.1	34 627.6